

先進篇第十一

11-25

子路、曾皙、冉有、公西华侍坐。子曰：“以吾一日长乎尔，毋吾以也。居则曰不吾知也，如或知尔，则何以哉？”子路率尔而对曰：“千乘之国，摄乎大国之间，加之以师旅，因之以饥馑，由也为之，比及三年，可使有勇，且知方也。”夫子哂之。“求，尔何如？”对曰：“方六七十，如五六十，求也为之，比及三年，可使足民。如其礼乐，以俟君子。”“赤！尔何如？”对曰：“非曰能之，愿学焉。宗庙之事，如会同，端章甫，愿为小相焉。”“点，尔何如？”鼓瑟希，铿尔，舍瑟而作。对曰：“异乎三子者之撰。”子曰：“何伤乎？亦各言其志也。”曰：“暮春者，春服既成，冠者五六人，童子六七人，浴乎沂，风乎舞雩，咏而归。”夫子喟然叹曰：“吾与点也！”三子者出，曾皙后。曾皙曰：“夫三子者之言何如？”子曰：“亦各言其志也已矣。”曰：“夫子何哂由也？”曰：“为国以礼，其言不让，是故哂之。”“唯求则非邦也与？”“安见方六七十如五六十而非邦也者？”“唯赤则非邦也与？”“宗庙会同，非诸侯而何？赤也为之小，孰能为之大？”

●这一章，特别有名，特别生动，也特别重要。由此，可以体会夫子之理想。○子路之志在武，能在大国之间安邦强民，难上更难。夫子笑之，是深知子路，真诚自信，敢为天下先，非嘲笑也。○冉有之志在富民，既能富七十里五六十里，也就有能力使天下之民富。善哉。○公孙赤只愿为司仪，助礼乐之事，然则礼乐无小事，其志不可谓小也。●孔子虽与曾点，并没有小看前三位的志向，乱以武定，治以富民，礼乐教化，皆国家大事，治国三纲。唯曾点之志，似乎几无志向可言，置身自然，无忧无虑，呼朋唤友，沐浴歌吟，尽兴晚归，但，这一派祥和快乐的牧歌景象，正是仁道之大成啊。此即夫子的理想，就这样在曾点的志向中具体地活泼泼地显现出来。